

民國戊辰春重修

動石李氏宗譜

余星東題

○譜序

嘗聞九族之典曰始祖為鼻祖遠孫為耳孫信乎斯言之不誣也蓋吾李氏之祖自唐宗室集公始其後或徙縉雲或徙台江或徙獨山生齒愈繁枝派愈遠先生也晚考之舊譜而知其畧矣所恨兵燹之後遺牒散佚姑就壠頭動石之近支斷自養公始歷傳十世其間世代行叙未曾登名於譜兼之遷徙不一若非修輯將何所藉以聯屬而整齊乎光也才資淺陋不克措手於是告諸族內兄弟子姪輩謹請朱先生互相參訂叙錄以補缺漏先產曰予觀翁之宗譜在

李氏宗譜
自小司寇公宗蘇氏之遺式條分縷析則與子澤存
存而散失久之今翁俾予以脩之聊非一朝一夕功
矣余曰不然宗譜之事原非暫涉之工光茲以望先
生者不過蕞爾微族纂列房譜一帙以續先人之未
備以為後學之楷模使不致有源同派異之患焉伏
願先生為我一一推詳以正譜牒令我子姓務敦孝
友睦嫻敬隆於所尊愛篤於所親上繼先世不朽之
令緒下啟子孫無疆之紹承庶于
太祖肇造宏庥永保勿替是光之志也夫
道光歲次癸未夏月
孫成光謹識

○序

家譜作自侍郎蒙齋公倣歐蘇遺法類次成編兵燹之後遺牒散佚至國朝道光癸未歲從伯祖成光公有志重修迄今三十餘年續生蕃衍而循禮教尚詩書哀喜慶吊歲時祭享會晤一堂之間尚藹如未艾也竊慮代愈遠而派愈分兼之遷徙靡定無所藉以聯屬勢寔為之修輯譜牒使人知尊尊親親之義耳而士即於此有厚望焉夫洪支千億人爭艷繁而必思何以維其繁甲第焜煌人爭艷盛而必思何以持其盛惟冀後之賢者讀書勵品益振起其家聲上

李氏宗譜
以承宗室公之清風亮節繼侍郎公之宦業官方行
見潤色鴻業增光家乘雖由此千百世可用告宗
人尚其勉之

咸豐歲次庚申

嗣孫錦士謹識

○序

家之有譜猶國之有史也國無史何以明興衰治亂之原家無譜何以悉一本同源之義余家譜作自侍郎蒙齋公原原本本燦然美備但迭遭兵燹卷帙散佚以致支派無所聯屬心滋戚焉國朝以來賴族曾叔祖成光公當存亡絕續之秋守闕抱殘力任脩輯姑就見聞所及者於瓏頭動石兩地徙遷之祖斷自養行公始明徵確寔彙為一編咸豐庚申歲重任修輯者即_庚先伯考仙洲公也今忝任修輯者即_庚也_庚雖不獲覩家乘之美備抱憾藐躬第見子姓日

繁支派愈分久之而親者疎矣又久之而疎者遠矣
 不急為增修恐代遠年湮有茫然不知祖歟所自出
 與子孫所自來焉此家譜作於散佚之後者誠急而
 作於蕃衍之日者尤不容緩也昔方遜志先生文云
 正月之吉會族以修譜四時孟月會族以讀譜其悵
 悵於譜者誠欲務其本原之所在而庚即於此有志
 焉非敢謂是編之成與馬史班書並壽於世也已
 光緒歲次癸卯應鐘月

裔孫長庚謹識

嗣孫錦桂

聚彪

聚新

全輯

聚和

聚欽

重修李氏宗譜序

蓋聞木必有本也而後枝茂水必有源也而後流長人必有祖也而後子孫蕃衍使木而無本則枝葉易枯水而無源則支流易涸人而無祖則子孫何以綿延由此觀之譜之不可不修也明矣然則修譜以何事為要莫如正名分名分不正雖有譜同於無譜試得而詳言之凡人無子嗣宜以姪承祧不可養他人子以致血統淆亂至若弟未娶不可以孀嫂為室此古今之通例也今觀其舊譜始知李氏始祖養行公少習堪輿好游山水溯自明

之成化年間初至大羅山秀才瑋遂卜居焉越五
年復率三子志國公徙居動石是為動石百世不
遷之祖自古以來族中文人學士位居冢宰名隆
鼎甲蜚聲翰苑者亦不少皆有名著於舊譜昭人
耳目而李氏苗裔觀此遺像不禁有尊祖敬宗之
思焉李氏宗譜自光緒癸卯歲重修後迄今已二
十餘年若不急為修葺則先人之生卒墳墓之坐
向及後人之庚甲住居男女婚嫁皆無所稽攷於
是十二世孫聚妹聚東聚四聚煥聚旺暨族姪作
旺作鎰等以續修宗譜為己任乃與族長福六公